



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Liber Theologiæ Moralis, Viginti Qvatvor Societatis Iesv  
Doctoribvs Reseratvs**

**Escobar y Mendoza, Antonio de  
Lvgdvni, 1659**

II. De legislatoribus.

**urn:nbn:de:hbz:466:1-41066**

## CAPUT II.

*De Legislatoribus.*

4. *Visnam ergo Leges potest ferre?* Qui habet publicam potestatem, iurisdictionem, & vim cogendi.

5. *Quidnam de Pontifice summo?* Leges Ecclesiasticas toto in orbe potest praescribere: Leges autem ciuiles non in suo territorio tantum, sed etiam in alieno, indirecte saltem in ordine ad spiritualem animorum finem. Quam quidem potestatem immediatè accepit à Christo eius Vicarius immediatus.

6. *Ebisopus quid?* Quod potest Papa in tota Ecclesia, id etiam in dioecesi sua potest Episcopus, cum dependentia tamen, & subordinatione ad Papam: quia Episcopus à Pontifice summo hanc potestatem mutatur, non immediatè à Christo.

7. *Quid Metropolitanus?* Archiepiscopus in subditos Coepiscoporum nullam ordinariè iurisdictionem obtinet, nisi ad ipsum à suo Episcopo appellarent. Verum est ordinarius superior Coepiscoporum prouinciae: tamen in causis criminalibus, qua depositionem merentur, contra aliquem eorum procedere non debet, sine Sedis Apostolicæ auctoritate.

8. *Num Imperator Leges condere possit?* Si legitimè electus in Regna & Prouincias sibi subditas Leges ciuiles ferre vallet, non verò in orbem vniuersum: multi enim Christicola non sunt subditi Imperatori. Quare Prouinciae nec iure dominij, nec iure feudi, nec alio titulo Imperatori subiectæ haud Cæsareis Legibus tenentur.

9. *Num Reges?* In suis Regnis Leges ciuiles ferre possunt: habent enim potestatem publicam, supremamque iurisdictionem. Id quod de quibuslibet Principibus supremis in temporalibus superioribus non agnoscantibus consequenter affirmo. *Si superiori agnoscunt?* Adhuc possunt Leges iuxta limites à Principe sibi praescriptos sancire.

10. *Quid de Regina, qua Regni domina est, nullumque in temporalibus superioribus reuereatur?* Idem ius Legum ferendarum obtinet. *Si illigeretur matrimonio?* Ad ipsam adhuc pertinet Leges ferre, nisi vices marito cedat: quia penes ipsam ius, & dominium Regni, minimè ex matrimonio translatum viro, cum Regnum nec alienari, neque in dotem dari queat.

II. An

*Examen I. De Legibus incommuni.* 37

11. *An condunt Res publice, aut communitates perfecte, quæ per se ipsas gubernantur?* Condunt equidem in territoriis suis. Idem de ciuitatibus, quæ supremæ Reipublicæ formam aliquam retinent, affirmari. Quæ autem in Principiis potestate transstulere, Leges propria authoritate non sanciunt.

12. *De Conciliis generalibus quid dicendum?* Concilia summi Praesulis auctoritate collecta possunt Leges & statuta generalia condere iuxta potestatem sibi à summo Pontifice concessam. Vnde colligo à summo Praesule ad Concilium non dari appellationem, quia Pontifex superiorem non habet. *Principalia Concilia quid?* Provincialia, Nationalia, ac Synodalia Concilia vim habent condendi Leges obligantes territoria sua: nec commune ius efficiunt nisi à summo Pontifice generaliter approbentur.

13. *Potest ne Cardinalium Collégium?* Non potest seu viuente summo Pontifice, seu sede Apostolica vacante Legem viuienti Israhel condere, imo nec particularem nisi in suis Titulis, in quibus iurisdictionem Episcopalem habent: cùm enim Collegium Cardinalium (vti probabilius fert sententia) non sit de iure diuino, nullamque habeat iurisdictionem, quæ à summo Praesule non pendeat, nuspian legitur haec facultas condendi Leges Cardinalibus à Papa concessa: sed illis tantum permittuntur, quæ ad Papæ electionem, & ad Ecclesiæ defensionem spectant.

14. *An Capitulum Ecclesia Cathedralis sede vacante possit Leges, & statuta in dictæ ferre?* Potest planè, duratura quidem, donec ab Episcopo successore reuocentur. Imo potest statuta ab antecessoribus Episcopis facta reuocare, & contraria stabilire, si expedire iudicauerit: quia Capitulum exceptis casibus à iure expressis, vacante sede, in iurisdictionem plenam Episcopi succedit. *Quid viuente Episcopo?* Non potest Leges, aut statuta ferre nisi circa ea, quæ ad bonum regimen & ordinem Capituli pertinent.

15. *De Generalibus, Provincialibus, ac Prælatis Religio- num approbatarum quidnam?* In Capitulo generali, aut Provinciali concurrente maiori suffragiorum portione, Leges ferre possunt Generales, & Provinciali iuxta proprii instituti præscripta. Reliqui verò Prælati ea valent præcipere, quæ obseruantiam regulæ sunt accommodata. *Nunhi pos- sunt subditos ad regulæ obseruationem, aue iam erit abolita, cum professionem emiserint, compellere?* Minime, si aut auctoritate Papæ, aut consuetudine legitimè præscripta erat iam

C 3 abrogata

38 Moral. Theologia Tract. I. Leges,  
abrogata; secus si regula paucorum culpa non seruabatur, non  
tamen erat legitima consuetudine abolita: tunc enim subdit  
ad custodiam legum nouis possunt constitutionibus com-  
pelli; nam qui illius Religionis regulam voverunt, conse-  
quenter ad eius compelli debent obseruationem.

### C A P V T III.

#### De Promulgatione, & Acceptione Legum.

§. I. 16. **A**d ferendam Legem quinque innuisti conditions ne-  
**Promul-**cessaras, ut scilicet à legitimo superiore ferretur, ut  
**gatio Le-**esset iusta, ut in commune bonum, ut & promulgaretur, & acce-  
**gis.**ptaretur: circa que requiram, num necessaria omnino Legis pro-  
mulgatio? Ita planè, facienda in singulis Prouinciis, neque  
obligat illius Prouinciarum subditos, in qua facta non est hu-  
iusmodi promulgatio.

17. Dicendum ne idem de summi Pontificis Legibus promul-  
gandis? Minimè, sed sufficit in Curia Romana fieri, ut ubi-  
que legis seruandæ obligatio inducatur; usus enim obti-  
nuit, ut leges Pontificiarum solum in Romana Curia promul-  
gentur.

18. Obligat ne lex statim post promulgationem? Obligat pla-  
nè, quando nullus ad obligandum fuit terminus constitutus,  
nisi aliter de Legislatoris mente constet. Solet certè legislator,  
quando non intendit ante certum tempus obligare legem,  
hoc exprimere. Nullum exressit tempus. Censetur igitur vel-  
le Legem statim post sufficientem promulgationem obligare.  
Scio tamen, illud speciale Legibus Imperatoriis, ut ante  
duos menses à promulgatione non obligent.

19. Qui Legem rescissoriam contractu (v.g.) sufficienter pro-  
mulgatam ignorat, delinquit ne celebrando contractum contra  
Legem? Minimè, sed inualidè init contractum; Leges enim  
rescissoriae hoc habent, ut post promulgationem etiam obli-  
gent ignorantibus.

20. Leges priuilegorum reuocatoriae obligant ne ante quam  
ad aures illius, cui concessa priuilegia fuerant, perueniat reuoca-  
rio? Non: quia priuilegium est fauorable, fauores autem  
ampliandi sunt.

§. 2. 21. Num acceptatio est ad Legis valorem necessaria? Leges  
Accepta sub hac tacita conditione feruntur, ut vim habeant, si fuerint  
vix legi, acceptatae, & usu receptae.

22. Quando